

D I E S  
VITÆ MAXIMA,  
IN

Æquinoctio Autumnali  
MERITIS ET VIRTUTIBUS

*Perillustris olim Clarissimi & Admodum Reverendi*

M. STANISLAI  
MARKIEWICZ,

Sacrae Theologiae DOCTORIS & Pro-  
fessoris, ejusdemq; Sacrae Facultatis DECANI,  
Collegae Majoris, Ecclesiarum; Collegiatae S. FLO-  
RIANI CUSTODIS, Curelovienfis SCHOLA-  
STICI, SS. Omnium Crac: & Parochialis  
Prossovicensis PRÆPOSITI, Scholarum  
Novodvorscianarum & Contubernij Ge-  
loniani PROVISORIS

EXORTA;

*Dumq; ejus pijs manibus*

justa parentalia in Ecclesia S. ANNÆ  
non sine gravi mœrore  
ab Ordinibus Academicis exsolverentur,

Lugubri pennâ

PER

M. CASIMIRUM STANISLAUM  
PAŁASZOWSKI,

Philosophiæ DOCTOREM, ejusdemq; Regium & Tylicianū Eloquentiæ  
Professorem, Collegam Majorē, Neosandecensē CANCELLARIUM,

DELINEATA.

ANNO DOMINI MDCCXXX. Die 25. Septembris.

CRACOVIAE Typis UNIVERSITATIS.



D I E S  
VITÆ MAXIMA,  
In Æquinoctio Autumnali  
E X O R T A.

Vtinam ô Fata!

hominum rebus & hominibus iniqua,  
saltim Astrorum Principi Soli  
in contra delineretis ire.

Suo ille annuo Cursu  
breviores sive longiores efficit dies,

Vos nullos.

Ille Superûm alta lege ordinatus,  
Accessu suo in Hemisphærium, dies crescere cogit,  
recessu decrescere,

Sed sine dispendio vitæ;

malignitas Fatorum,

cum luce Vitæ dies aufert, quos Titan affert,  
extinguit, quos accendit.

Criticos dies

nonnisi aliquos studiosa annotavit solertia,  
ex quibus boni maliq; aliquando ominis indicia.

Fausta Crisi

Lethifer morbus dat vitæ accrementum,  
ubi ejus decrementum imminebat.

Fatis



Fatis nunquam non pessima Crisis,

Imò nec istam norunt,

Quia nullos calculant dies;

Tetram inhabitant caliginem,

noxq; illis perpetuò dormienda.

Quid vobis prodest mortales?

**Solis aut Saturni**

illustres vel aureos numerare dies,

facundos Mercurij vel benevolos Jovis

in æternantes fastos computare.

Fatis nulla non Martis dies cædibûs plena.

*Vt jugulent homines, surgunt de nocte latrones,*

*At etiam claro meridie cades fatorum grassantur.*

Noctem teterrimam ut unam habeat,

Cæca Lachesis est.

Pari atrocitatis impetu

facile in omnes ruit; delectûs ignara,

quia luminibûs orbata.

Æquo pulsat pede

Viles hominum casas, Regumq; folia.

Sceptri decus ligonibus æquat,

Subruit Urbes populosq;

Atterit laurus nescias fulmine tangi,

Turmas militum permiscet Cineri Ducum.

**Dies**

Nec Cræso fortunati, aut Polycrati candidi,

Nec aurei Saturno, aut Cæsari triumphales,

contra fatalem noctem profuere.



Sanè omnium est,  
quòd Soles definant in umbras, dies in noctes.

**Aliter tamen**

Tuis meritis & virtutibus concessum

*Perillustis olim Clarissime & Admodum Reverende*

**M. STANISLAE  
MARKIEWICZ,**

Sacrae Theologiae DOCTOR & PROFESSOR, &c.

In Æquinoctio Autumnali,

Tuorum non decrescunt Annorum dies,  
qui pro eorum accremento immortalis  
totissimam vitam impendebas.

**Vt penitus ignorares,**  
quid sit diminutio dierum?

ab æquinoctio verno, à Tuæ exortu vitæ  
ad Solstitium gloriæ procedebas.

**Florē tenerioris ætatis Tuæ,**  
in Virtutum fructus multiplicabilem  
**Parnasso Cracio commisisti.**

Fugiant alijs freno non remorante dies,  
Currunt horæ, prætervolat ætas;  
Tu alatum cūm noveris tempus,  
ei promptitudinem ingenij opponebas.

**Aptabas Te tempori,**

& omne illius spatium in Tuos usus convertebas.

Vere



# Vere amœnioris vitæ

Aurumabas maturitate Scholastici profectûs.

Æstate temperabas judiciô fervorem,

igniculis eximiæ indolis,

hyemis algores fugabas.

## Mane Tuum,

Meridies virtutum erat nullo vespere inumbrandus.

## Dies Tui,

horis ut fluerent aureis,

eas pulvere implebas Scholastico

Gangeticis arenis potiore.

## Sub Musarum Sole

nunquam visus es admittere noctes,

Lucis Phæbææ absientiam

Cleantheus supplebat lychnus.

Probavit dies laudabiles Pallas,

gloriosè in studio privato peractos,

## in publico

Philosophicis laureis coronavit.

Laborum diebus adjunxit honoris diem,

pervigiles applicationis ferias

sine festo noluit esse,

quod ut Tibi solenne diceretur,

illi Tuô clarissimô ingeniô allucebas.

Elegeras nunquam non publicos vivere dies,

## quos festivos

B

ut



ut ex Te Universitas haberet,  
Semper festinus pro gloria ejus excurrabas.  
**Quò pedē movisti Professor,**  
ubiq; Sol Academicus  
sparsit diem meliore coma.

Primùm in Alba Ducali, demum Pinczoviensi præfuiti Coloniæ,  
utramq; pertinaci excoluisti labore.

**Lithuanus Pogonia,**  
ut nosceret à gloriæ meta non errare,  
Craciô Pegasô vestigia signabas.

**Marchionales Alites,**  
Tuæ Minervæ prævolante Noctua,  
facilius in culmine nidificabant.

**Athenæi Pinczoviensis**  
Novus MECÆNAS & FVNDATOR

*Illustrissimus olim & Excellentissimus*

**JOSEPHUS**  
**MARCHIO**  
IN MIROW  
**GONZAGA**  
**MYSZKOWSKI.**  
CASTELLANUS Sandomiriensis



æstimavit Tuos Colonienses labores,  
eolq; Beneficiò in Stradow pensavit.  
**Vineæ Christi præesse voluit,**  
Sub quo Parnassum suum spectavit florentem.  
**In Cathedris sacris tonabas Pericles,**  
**Sed Te & Scholasticæ poscebant.**  
Suasit publicus literarum amor,  
ut continuares dies eruditos;  
Nec obfuit Domum inhabitare Minorem,  
Colossus in puteo magnitudinem non amittit,  
Nanus in collo Gigantis Nanus.  
Immortales non desinat implere fastos,  
**Ecclesiæ columna & adamantina basis**  
**PETRVS TYLICIVS**  
**EPISCOPUS Cracoviensis,**  
Liberalissima fundatione rarò Mecænatum exemplò  
Fontes aperuit Tullianos,  
qui Sarmaticos ut inundarent Campos,  
**eos Alma Vniversitas**  
in Tuum eloquium derivavit.  
Haufisti tanti Fundatoris latices,  
gemmasq; piscabaris, ut Eloquentiæ Candidatos ditares.

**Domus Celsissimæ**  
**SZEMBECIORVM**

**Gentilitijs ROSIS**

**In publico ad Cathedram Posnaniensem ingressu,**



*Illustrissimi Excellentissimi & Reverendissimi Domini,*

# CHRISTOPHORI ANTONIJ

IN SLUPOW

## SZEMBEK,

DEI & Apostolicæ Sedis Gratiâ  
EPISCOPI protunc Posnaniensis  
nunc Vladislaviensis,

Oratorios innectens flores,

Tuam quoq; gloriam immarcescibilem deduxisti.

Ex Panegyricis Operibus

quotquot pro Encomijs Magnorum Virorum luci exposuisti,  
in omnibus stylus aureus animos legentium dicit.

Una Laborum Academicorum Provincia

### Tenunquam capere visa.

Ad Comitia Regni legatione functus,  
pro literarum Regno

egisti Mercurium & Cyneam disertissimum.

### Facultatis Philosophicæ

DECANVS

ex Eurippo Aristotelico

urgebas lucidissimos oriri Soles,

ui ad portum scientificum omnibus præluxissent.

### Theologus Professor

otô decenniô pro Doctorali laurea decertasti.

di-



dignus omnino cujus emeritam frontem  
non una Corymbus,

sed totus cingeret Academus.

Unaquæquè domestica publicaq; Disputatio  
mille merebatur Coronas.

Antequam Doctor Theologus,  
prius Magnificus R E C T O R,

Sceptra admisit in manus docto calamo assuetas.

In Purpura Rectorali ternis vicibus fulsit  
perfectissimè negotijs Universitatis præluxit.

Neminem suo fulgore perstringens,  
nisi forsitan quorum oculis  
etiam lux solis amænissima gravis.

Classium Novodvorscianarum P R O V I S O R,  
multis sæpe agitata procellis,  
nunquam quassare permisit.

Confurgentes Euros & Aquilones  
in placidos Zephiros & Favonios cogebat,  
illis etiam faventissimus,  
quos sibi non faventes aliquando expertus.

In Majores reverentiâ, in pares affectu,  
in omnes affabilitate certavit.

Instat Major scribenda dies,  
tot fastis perennibus digna,  
quot pijs actibus adaucta.

Quanquam & sine testibus chartis  
fama loquetur opus.

Beneficia non ideò tenuit,



ut sibi, sed ut illis beneficeret.  
Divina Providentia accumulâte provētus,  
qui non in profanos usus convertuntur.  
Ob difficilem censuum pensionem  
Contubernium Gelonianum  
patentibûs parietum rimîs,  
qui illud manebant calus, enarrabat.  
Sua ne timeret rudera,  
Inhabitantes ne terreret, tempestivè providit.  
Studentium appetitus  
ne solô Jagellonicô satiarentur Manipulô,  
mensas aperuit Fûdatoribus conformes.  
Stradoviensem Plebanatum dimisit,  
sed non vacuum divite apparatu,  
quem ei accumulâtè comparavit.  
**Prossovicensis Ecclesia**  
quòd novô sit stabilita murô,  
largas STANISLAI impensas testatur,  
quòd ædificijs adaucta,  
ejus sollicitos fatetur labores.  
SS. OO. Cracoviensis Præpositura  
tardiùs ejus curæ accessit,  
Ei tamen hoc intra breve tempus præstitit,  
quod ab alijs intra annorum lustra non agnovit.  
Diem certè se perdidisse ratus,  
quâ in pietatis opem aliquid non præstaret.  
In quævis Beneficia munificus,



in Sandecensem Cancellariatum longè munificētior.

Alter potiùs dicendus Fundator,  
quia Prædiali forte Dotator.

Præter impositum Sacrificij munus,  
ad messem gratitudinis  
pro còemptis agris obligatus Successor,  
qui ne egeret, egit liberaliter.

Hoc profectò unicum & singulare,  
Diem vitæ maximam

in dierum decreſcenti habere,  
agere quæ sunt æternitate digna.

*Factis enim homines non annis vivunt.*

Corporis ægritudinis preſſum  
relevabant amici, tollebant Clientes,  
etiam Viri Proceres solabantur.

*Illuſtriſſimus & Excellentiſſimus Dominus*

ALEXANDER

IN SLUPOW

SZEMBEEK,

Palatinus Siradiensis,

Capitaneus Becensis, Regni Senator,  
Senatorum decus, Patriæ fulcrum & Præſidium,  
ſuâ præſentiâ ROſISq; ſuis Gentilijs

lævos inter morbi langvores  
mæſtum non dedignatus recreare.

Omnes illi longiores vovebant dies,

C2

at



at ipse sibi meliori non defuit voto.

In Æquinoctio Autumnali,  
ultra quinquagenarius;  
dum dies decrefcere folent,  
maximam vitæ expertus diem,  
quam meritîs, virtutibûs & laboribûs Academicîs  
ita ampliare curavit,  
ut efficeret foli æternitati parem.

Vixit fibi ad gloriam fatis,  
licet Vniuerſitatis, Amicorum & Clientum non ſatis deſiderijs.  
Verûm ampliffimos quos ei fata negarunt dies,  
hos fine numero

In Te boni Superi protendant,  
imò de omniû Tibi addat Jupiter annis,  
qui omnium honorem geris,  
Gentiſq; Togatæ ingens gloria & prima Maieſtas es,  
*Magnifice Perilluſtris & Reverendiſſime Domine,*

**M. MARTINE  
WALESZYNSKI,**

Sacræ Theologiæ DOCTOR, & PROFESSOR,  
Collega Major, Eccleſiarum; Cathedralis Cracoviensis CA-  
NONICE, Parochialium, Montis S. GEORGII in Sce-  
puſio & Præmykoviensis PRÆPOSITE, Contubernij  
Hierofolymitani PROVISO R, Canonizationis  
B. IOANNIS CANTII PROCVRATOR,  
Librorum per Diæceſim Cracov: Ordinarie  
CENSOR, Collegij Majoris Senior PA-  
TER, Studij Generalis Vniuerſitatis Cra-  
coviensis PROCANCELLARIE  
& Vigilantiſſime RECTOR.

Quem



Quem non adeò pridem Theologicis coronasti laureis,  
 Adhuc & post Fata,  
 ut esset contra suas sortes à fulmine tutus,  
 Protectorem Testamenti rogavit.  
 Diem maximam ne decrescere sibi patiatur,  
 Vobis ultimis Tabulis augendam commisit,  
 Præstites integerrimi.

*Perillustri Clarissime & Admodum Reverende Domine*

**M. P E T R E  
 SZYMAKOWSKI,**

Sacræ Theologiæ ejusq; Cursûs Speculativi PROFESSOR, Collega  
 Major, Ecclesiæ S. FLORIANI CANONICE, Scholarum Novo-  
 duorfcianarum VICEPROVISOR.

Nulla Vobis dies sine linea erat,  
 quâ reciprocum in Vos non protenderetis affectum.

Illius sensus, Tuus erat,  
 Tua negotia semper ad mentem ejus.  
 Alter alterius implebat vices,  
 Cognitu difficiles,  
 Tuone, an Ejus spiritu agebantur?  
 Gradu distincti non animò vivebatis.  
 Festus quoque illi aderat dies,  
 quò ejus adhæseras cordi

*Perillustri Clarissime & Admodum Reverende Domine*

**M. STANISLAE  
 FILIPOWITZ,**

Sacræ Theologiæ PROFESSOR, Collega Major, Ecclesiæ S.  
 FLORIANI CANONICE, S. GEORGIJ in Arce Cracov:  
 CUSTOS, Geometra Jurate.

Non Nominis tantum Etymologiâ  
 Vobiscum erat in rebus agendis conventia,

D

Tuam



Tuam in Te Astrorum peritiam ætimavit,  
ac de suarū eventu rerum Tecum sæpius consultabat,

Non ideò, quòd alienò egeret consiliò,  
Sed quòd illi Tuus semper placeret sensus.

Vnus in utroq; Vestrū erat,  
uni quòd mortuo non deeritis,  
probavit vivus.

Nec à Te suas Tabulas removit,  
Cui nunquam non intimus eras,  
*Clarissime & Excellentissime Domine,*

**M. ALBERTE  
PLACZKOWSKI,**

Philosophiæ Doctor & Professor, Collega Minor.  
In regimine Contubernij Senior.

Pendebas à nutibus PROVVISORIS,  
In Te Paterno affectu propensissimi.  
Sive Lublini Contubernalibus, alijsq; invigilabas Causis,  
Sive Classisticis attendebas laboribus,  
Ille pro Tuo successu & ascensu Argus erat.

**Proch dolor!**

Clausit in æternam lumina noctem,

**Vos Agite**

Quos voluntatis suæ Interpretes voluit esse,  
quod de Vestro munere  
ad serenum immortalitatis gloriæ spectat.

**Charitativo labori Vestro**

Amicorum, Clientum, Omniumq; Academicorum Ordinum

pientissima cooperantur suspiria,

ut in luce æterna

retineat Vitæ maximam Diem.



721X.26.